



DEO OPTIMO MAX.
UNI ET TRINO,
VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis decimo-sexto mensis
Decembris, Anno Domini M. DCC. LI.*

P R Æ S I D E.

M. LUDOVICO-HIERONYMO COSNIER,
Doctore Medico.

An Morbis chronicis Caffè potus?

I.



ERUM complurium, apud Medicos, misera fors! Pleræque sub uno novitatis titulo, aut alicujus præjudicate opinionis errore penitus abjiciuntur, tradunturque contemptui, efficacioris licet virtutis dono ab auctore naturæ insignitæ. Plurimorum etiam in arte peritorum culpâ, sæpius id evenit infortunii. Quibus hæc efficacia tutè & certò comperta est, ii vix quemquam trahere possunt in consensum. Ad cognoscendam medicamenti aut alimentum virtutem, sola vincit experientia millies, ut ità dicam, & millies iterata; sola

A

enim os obtrudit neganti, sola introsipienti oculos aperit. Tulit hanc sortem multis abhinc sæculis, semen quoddam exoticum Caffée dictum apud Batavos Angloſque, Caffé verò apud Gallos. E felici Arabiâ ſuos olim duxit natales; ex Arabiâ quoque, tanquam ex primario fonte, ejus oriundus uſus. Ab Arabibus Medicis cognita primò viſ illius & virtus; quam edocti Arabes, Ægyptios edocuère. Hinc Africa, novitatis plurimùm avida, ſuffultaque aliorum imprimis experienciâ, tota paulatim illius ſeminis inſuſo aut decocto indulſit. Eundem uſum protinus arripuit vicina quoque Arabiæ gens integra Turcarum. Hic potus illis, loco vini, quo interdicuntur, unum quaſi ſolamen atque voluptas eſt; in deliciis quoque habetur apud Aſiaticos, Americanos, & toti jam nunc ipſi Europæ acceptus eſt; imò ſerè totus orbis, illius odore & fumo hodie perfunditur, ſuavi illius allicitur ſapore, ejusque, licet amaro, recreatur potu, tanquam ſtomacho & cordi nunquam non blandiente, totiuſque æconomix animalis bono & utilitati favente; quaſi reipſâ verum eſſet, id cordi ſuavius exiſtere quod palato amarum: & verò, ipſo ſuo amarore ſtomachi fibras languentes ſuſcitât, ipſius nervos, & per conſenſum, totius corporis & præſertim cordis, erigit, lætificat; undè illi robur magis indefinens ad terendum ſanguineum liquorem. Nil mirum ergò, ſi vires addat Caffé potus, cum robores partes nerveas: nil mirum pariter, ſi ſtomacho amicus extiterit, cum illius tonum firmet, motum augeat; at augeat amicè, pacatè, non tumultuoſe. Evolvit vim ſucci gaſtrici qui inſtar fermenti eſt aut menſtrui quo penetrantur alimenta, attenuantur, reſolvuntur, digeruntur. Reſolvit & ipſa eadem alimenta, ſeſe cum iis immiſcendo, ſociando; & quaſi coadunando per omnes vias chyliſeras, indeque per integrum maſſæ ſanguineæ fluentum, unâ ſemper & ubique commeando. Favet ergo digeſtioni. Porrò quis inſicias ibit, id omne quod alimentis digerendis omnimodè per ſe conducit efficaciter, corporis partibus roborandis illud idem inſervire debere? Quinam ſexu, quænam ætas, quodnam temperamentum cui natura non dictaverit, primam ad ſanitatem viam, unam eſſe digeſtionem, eamque laudabilem & perfectam, quantum licet fieri aut exoptari? Mirabiliſ potus qui hanc potuerit promovere feliciter! Omne hæc in re tuſiſſe punctum, quis non conſiteatur lubens? Quid ſi non refragetur illius, etiam antiquior uſus? Quid, ſi experientia iterata hunc comprobaverit uſum? Quid denique, ſi illius adjumento, chylus tenuior, ſubtilior, puriorque hinc factus, ejus tandem naturæ fiat & indolis, ut ſucci alibilis characterem, loco deperditi, felicitiùs induat, fiatque vaſorum & viſcerum continuo motui accommodatior, eorum obſequioſior tritui, ità ut minima, ſolidiſſima, compactaque magis totius corporis, permeare, irrorare, nutrire denique faciliùs queat, & uberius; undè corpori & expectandus vigor; undè & plurimorum, à crudiori chylo, aut quoquo modo imperſectiori, morborum chronicorum, ſenſim ſine ſenſu reſolutio, ſanatio ſperanda, imò expectanda.

I I.

PROCUL hinc quæ de ortu ſeminis Arabici Caffé dicti, ſeculo elapſo, commenti ſunt plurimùm Mercatores, tum Hiſtorici, tum Medici. Certò compertum eſto arborem eſſe quam prima tulit tellus Arabica, ſolius auxilio naturæ, non artis, favente quidem ſolo, ſed plurimùm favente ſolis aſpectu. Ars deinde hanc educavit plurimis in regionibus, qualis è ditione Batavorum colonia Surinam; quales pariter & Gallorum plurimæ; teſtes inſulæ *Bourbon*, *Martinica*, *Sandominicana*; teſtis *Cayenna*; teſtis & ipſa urbs *Mocha*, totius Arabiæ, quin imò totius Europæ velut emporium, è regione cujus & viciniâ vegetum magis, magiſque maturum, adeòque viribus ditius, ad nos devehitur ſemen. Arbor quâ gaudet hortus ipſe Regius Pariſienſis, curis & induſtriâ illuſtriſſimi Collegæ noſtri *De Jufſieu* educata, folia fert lauri foliis non omnino diſſimilia, molliora tamen, nec ità

obscurè virentia, nullatenus aut parùm odora. E foliorum alis nascuntur flores modò nopetali albi, ad jasmīni (a) petalum accedentes, suavisque odoris. Iis delapsis, paulatim exurgit fructus qui è viridi sensim rubescit, subfuscusque tandem cernitur maturitatem adeptus. *Substantia illi carnea*, inquit Collega noster, * *subrubra*, paululum viscosa, sapore ingrato, quæ exsiccata, sit gravior. Illa, ut plurimùm, amicitur geminâ Capsulâ, geminum semen involvens. Hujus seminis figura jam vel pueris notissima, convexa scilicet ex unâ parte, quasi plana ex alterâ, in medio sulcata; hujc semini color album inter & pallidò luteum, nonnunquam modò magis, modò minùs viridiusculum, pro regione scilicet in quâ nascitur, pro arte quâ exsiccatum est, prout etiam ex æquo maturuit. Optimum assertur ex Mocha: si probè selectum, subcitrinum est & leve, nec crassius; crassius verò & albidius, graviusque illud quod è Martinica assertur. Viridius tandem & tenuius quod crescit in insulâ Bourbon, saporis sæpè quasi rancidi, ob plurima semina immixta, imperfectè matura, nec apprimè deficcata. Eodem ranciditatis vitio aut alterius saporis ingrati inficitur semen ex insulis Martinica & San-dominicanâ; quare omnes hæ Caffè species vilioris sunt pretii quàm ea quæ ad nos ex urbe Mocha advehitur, utpotè quæ opportunè matura siccaque, & saporis non ingrati amari, nec non ad farinaceam quasi substantiam faciliùs accedens, saltem semitorrefacta; cruda enim, durior & callosa nimis, ut teri possit. Quæcumque Caffè species oleo non turget tam intùs quàm extùs, statim ut dextrè & aptè torrefacta est, malè audit apud Caffè potatores: unde, ait M. Gayant, (b) *eligatur semen pinguius graviusque, nec aqua madidum marinâ, quâ sæpius diuturniori inficitur itinere*; nec immeritò, » tantam enim » olei quantitatem continet, ut ex eo semine, etiam crudo & duro, majorem olei » clari (quàm excogitari posset) copiam elicere solâ vehementi expressione potuerit, Camerario (c) teste, Lewenoeius. Imò, texturâ hujuscè seminis ab ipso persulatrâ, mediante microscopio, illi non nisi spongiosa comparuit, & ex ramolis in se » invicem constans particulis, cavitatibus, multis in locis, oleo oppletis; oleum » que illud, visu, clarissimè conspiciere potuit. Undè ultrò patet, inquit, cur fabæ » istæ non possint redigi in farinaceam substantiam, nisi priùs sint tostæ & perustæ; » torrendo enim, multum olei absimitur igne, & ramosæ particulæ, consolidando, » fiunt debiliores siccioresque & magis friabiles, aut saltem tritui obsequiosiores. « De hujus fabæ seu seminis selectu, si quid quæras magis certi, colori ne fidas omninò, nec ponderi aut tenuitati. Selectum tibi sit illud solummodò semen, quod dextrè torrefactum, suavis sit odoris, saporisque jucundè amari, absque acrimonîâ & ranciditatis vel minimo sensu, aut alius cujuscumque saporis pravi quo donantur quædam Caffè species, etiam ex Mocha non selectæ. Quare omnes masticatione semper prudens explora, tùm crudas, tùm tostas. Crudum Caffè semen sapore dulcescat, inquit, Straußius, (d) cum paucò amarore, nullamque acrimoniam præ se ferat. Avicenna (e) *citrinum eligit semen & leve, bonique odoris; album & grave, malum pronuntiat*; Rawolfius (f) etiam sic ait de integris Caffè fructibus, allatis ex Indiâ. *Intus duo tenent grana flavi coloris, in capsulis duabus diversis inclusa*. Historiam arboris, florum & fructuum ad nativum depictorum, querat Botanicæ curiosus, in thesi (g) à laudatò Collegâ nostro eleganter conscriptâ. De hac arbore sic loquitur Alpinus (h) in Historiâ plantarum Ægypti. » Arborem, inquit, ipsum » semen ferentem vidi in Halybei Turcæ viridario, ex Arabiâ delatam quæ Evony- » mo maxime similis erat; sed tamen folia habebat crassiora durioraque & perpe- » tuò virentia. Semen autem ait, Bon & Ban vocant Ægyptii & Arabes; decoctum » verò Chaubé dicitur apud Turcas.

(a) Quâ de causâ à flore De jussieu plantâ dicitur, jasmīnum Arabicum lauri folio, cujus semen apud nos Caffè dicitur. Commentarii R. scient. acad. demia.

* In thess. literariis me fabulæ Caffè usus?

(b) In thess. an à frequen- tiori potu Caffè, una bre- viori die Jovis 21 Martii 1715.

(c) Camerarius de usu & abusu pa- tium.

(d) Laurent. Straußius de Coffi, in Ap- pend. Pharmaco- cop. Schroide- ri pag. 904.

(e) Avicenna lib. 2. Tract. 2. pag. 109. Venetiis apud Juntas.

(f) Leonhard. Rawolf. in itin. p. 102.

(g) Luvicrius Caffè usus: die Jovis 20 Aprilis 1746.

(h) Alpinus de plantis Ægypti- nis p. 63.

JAM nunc & apud nos nulla forsàn Caffé vulgatiore merces, inter omnes saltem exoticas. Adèd crevit ejus fama; adèd crescit in dies ejus, decocti vel infusi usus & amor. Nullus, brevi, plebeius quem non alliciat oblectetque vel ejus odor aut fumus. Inter mulieres nulla, quam non delectet amaror ejus. Quin imò, vino plus æquo madidis, præsens jamdiù medicamen est; gulosis verò & carnibus saginatis ultrà vires, auxilium est potio nigra, & eò quidem ipsis utilior citiò amari; procùl enim tunc saccharum & dulcia quæcumque, vel lactea quibus citius accenserent alimenta, aut alio quocumque corrumperentur modo, ructusque nidorosi assurgerent molestiores. Ventriculus sic cibo pleniori refertus, suaviùs afficitur recreaturque liquoris amari præsentia; alliciuntur blandiori titillatione spiritus; quibus copiosius affluentibus, ventriculi motus augefcit: adaucto nempe ejus fibrarum tono, gravant minùs in ejus fundum alimenta; ipsaque salibus volatilibus hujusce liquoris imbibita, faciliùs solvuntur, subiguntur unà cum ventriculi succo lymphatico, salivæ amulo; sic præcipuum inchoatur, perficiturque digestionis opus, illud quasi manu dirigente stomachi continuo motu, sine quo nec intimè resolvi niscerique inter se, nec pelli in intestina, alimentis unquam daretur. (a) Boni quid non pollicetur, si aureæ mediocritatis legibus astrictus, cibos ventriculo, pro viribus ejus, concesseris, eumque infusi & decocti Caffé salubri recreaveris potu? Firmat ventriculi digestionem exequenda habiliorem factum; reddit & insuper chylum dilutorem, leviozem, ditioremque spiritibus; undè tutior pleniorque ejus transcolatio per insensibilia intestinorum cribra, undè felicior ejus per omnes vias chyli-liferas distributio. Hoc modo refectus sanguis, & ad omnia simul munia obeunda factus habilior, secretionibus functionibusque totius œconomix animalis abundè sufficit; suppeditat substantiæ corticali sanguinem lymphamque tenuissimam, ex quâ spiritus ipsos, secernendo, quasi fugit substantia medullaris, spirituum promptuarium inexhaustum, undè vis omnis & omne robur corporis; quid mirum igitur si digestionem juverit rectus Caffé usus, imò si cerebrum firmaverit, hincque memoria, promptaque perceptionis & recti judicii facultate quemcumque ditaverit Caffé potatorem? Testes viri innumeri, vigiliarum laborumque faciliè & impunè (illius auxilio) patientes, quales omnes quos urit studiorum & meditationum nobilis ardor.

(a) Hujus seminis vires profecto non exigue inquit D. Cayant, si medicamentis loco adhibentur.

In teffè, an à frequentiori Caffé potu vita brevior? 1715.

(b) In theffè, an potus Caffé cum lacte salubrior? 1697.

(c) Lib. de Medicinâ Ægyptiorum p. 118.

(d) Idem, p. 124.

Caffé potione profecto ad mentis & corporis officia melior promptiorque moveberis, ait clarissimus Matthæus Thuillier, (b) spirituosum fovet systema, alitque alacrius, ac munia functionum, si quæ depravata torpent; exsuscitat, habitum corroborat. Ne dubites igitur quin sanum firmet, valetudinarium sæpius restituat; nec temerè quis posset asserere, eò rariores esse, nostro ævo, chronicos complures morbos, quò frequentior est Caffé usus. Morbi scilicet ab obstructione oriundi, morbi ab erethismo & spasmodum ducentes, quales morbi hypochondriaci quamplurimi, morbi literatorum quasi pedissequi, caterorumque omnium studiosorum, quin & otiosam vitam agentium? Illius usu quot pacantur morbi sexum tam frequenter cruciantes, quales hystericici serè omnes, chlorosis & icterus in pluribus nondum menstruatis virginibus, quibus Caffé usus semel aut bis in die cum aquâ copiosâ simul haustâ, tuò pellit urinas, pellit & menstrua? quoties colicos fugavit dolores, aut hepaticos, è vesiculâ nempe felleâ nonnunquam oriundos ob præpeditum bilis effluxum; crassiore scilicet existente bile, aut vesiculâ nimium spasticâ factâ? Evocat & cæteris mulieribus suppressos aut imminutos menses. Testis Prosper Alpinus: (c) Mulieribus ad evocandos menses præsentaneum est remedium, apud easque in usu est frequentissimo; quibus diminutè fluentibus, ejus decocti probè calentis multum epotant, paulatim modicè sorbentes; sic enim in usu est apud omnes, ut paulatim ipsum deglutiant. Quid plura? Testis & ipsius Alpini praxis. Cum ego, (d) inquit, animadvertissem mulieres, quibus caperint fluere menses, ad eos adjuvandos ac eo calidiori decocto semper paulatim multum fovebatur, apud illasque omnes ad juvandum

3

eam vacationem in usu esse frequentissimo, capi, illâ p̄doctus experientiâ, in omnibus illi
 uti, quibus aliquam ob causam, earum purgatio mensrua desitisset, quod quidem felicissimè
 multis evenire vidi, exindeque didici, hoc genus remedii pro evocandis mensruis ab utero ve-
 nis obstructis esse præstantissimum; post universalem tamen corporis vacationem. Manè, je juno
 stomacho istud decoctum assumptum, efficacissimè menses provocat; temporeque quo multis jam
 vehementibus doloribus minuti difficulter exeunt, eis presensaneo est auxilio. Sic se habet fami-
 liaris usus apud omnes Ægyptias, Arabasque mulieres. Quid igitur mali metuas, si hæc ea-
 dem nostras quoque mulieres edocueris? Nonne jam & apud hystericas mulieres, & viros
 hypochondriacos non paucos, is est seminis Arabici usus benignus, ut dùm torre-
 fit, teritur coquiturque, solâ salino-sulphurearum, circum undique præ tenuitate vo-
 litantium particularum evaporatione, mirè alleventur ab hysteris insultibus aut hy-
 pochondriacis; adeò verum est nigrum pulverem nostrum, vi gaudere antispasmo-
 dicâ, imò vi antiepilepticâ, si rectus à Medico, ejus dirigatur usus; usus autem,
 modò cum aquâ solâ, modò cum lacte; his cum lactis mediâ parte; illis cum lacte
 sincero & integro, melius cum solo cremore. Nonnullis in aquâ antihystericâ aut
 antiepilepticâ ad mentem medentis; plurimis prodest naribus attractus in modum
 Tabaci; nonnunquam etiam huic pulveri immixtus & fociatus. Quid plura, quot
 miseri ægrotantes quibus tutò nunquam licuit Pharmacum haurire purgans, quod
 paulò post non revomerent, quibus tandem factò priùs pulveris nostri decoctio, &
 inibi solutis vel infusis purgantibus medicamentis, aut eo propinato statim ab ex-
 hausta porione catharticâ, evanuit omnis nausea, & omnis vomitus?

I V.

CONFICIENDI modum seu parandi è semine Arabico potum salubrem,
 eundem ne credideris in quâcumque regione. Torrefit quidem apud omnes;
 infunditur ab omnibus vel coquitur torrefactus pulvis. At illis intensius torrefacere
 consuetudini est, dum hi remissius torrefacere satius sentent; alii decoctum vel infu-
 sum colore & tincturâ magis saturatum, alii minùs exposculant; adeoque alii aliam
 pulveris dosim necessariam autumant esse ad eandem aquæ quantitatem, adhi-
 bendani. Apud Turcas, binam ad usque unciam in aquâ librâ unâ, levissimâ deco-
 quendam jubent ebullitione; quâ illicò ab igne remorâ, linteis aquâ frigidâ madidis
 vas circumvestiunt; quo factò, citius ruit ad fundum pulvis crassior; decantatum
 statim liquorem sic ferventem hauriunt, partitis vicibus, pauxillo sacchari admixto.
 Residuum pulverem jam leviùsculè coctum, coctioni de novo tradunt; inde, aiunt,
 longiori iteratâ coctione extrahitur oleum quo plurimùm turget pulvis; oleosum
 hoc decoctum, novo cum pulvere, cujus idcirco non imminui dosis debet, subijciunt
 igni, quo extrahitur pars subtilior, oleo irretita, adeoque palato blandior, accommo-
 datior stomacho & pulmonibus, (a) Asthmaticos liberat, redintegrat phthisicos, laxam pul-
 monum compagem, suo amaro, firmat ac durat, aridam & asstrictam laxat suâ dulcedine; non
 denegatâ præsertim sacchari quantitate mediocri. Hæc methodo paratus è Caffè po-
 tus, massam sanguineam non ità acriter exagitat, cerebrum minùs impetuosè ferit;
 alluit molliùs blandiùque ventriculum, aliaque viscera. Hujusce liquoris aqueo-amari
 subtiliores partes, cave ne, comparando, confundas cum spiritibus ardentibus in hæc
 nostrâ regione tam decantatis. Hos dico lethiferos spiritus aut aquas mortis;
 illas verò salutiferas, & vitæ longiori producendæ aptissimas, utpotè quæ nonnihil
 alkalino quidem volatiles, sed oleosis plurimùm permixtæ & aqueis dilutæ copiosius,
 non respuunt nexum cum alimentis intimiorem lenioremque, & absque tumultu;
 quibus fociatis, solvi se & digeri faciliùs patiuntur alimenta. E liquoribus autem
 jam fermentatione evectis, ignis vi elicti spiritus, & toti quasi ignei lic facti, fibras
 aut acutè pungunt nerveas, crispantque; aut igneâ vi dirè torquent & propiùs urunt,
 indurantque alimenta, nedum solvant. In hæc verò nostrâ regione, hic invaluit usus

(a) Methu-
 Thuilier.

ut ad unam aquæ ferventis libram, una pulveris tosti uncia adhibeatur infundenda vel decoquenda. Hoc pulveris pondus è semine Mocha, uni aquæ libræ sufficienter imprægnandæ non impar quidem est. Aliæ Caffè species, etiam apprimè selectæ, id ponderis respuunt, utpotè debiliores; eas virtute infirmiores, quotidiana agnoscit experientia. Quantitas igitur vim compenset necessum est, donec in suâ quæque regione felicius educatæ arbores, perfectius suppeditaverint semen, & ex æquo maturum legere didicerint incolæ. Pulvis è semine Mocha insusus per quadrantem in aquâ bulliente, vase accuratè clauso, laudem meretur suam; levis prævia coctio, magis imprægnatum præbet potum. Quælibet alia species longiorem expostulat coctionem. Quò quidem coctior, eò saturatior est tinctura, suaviorque palato, magnamque tunc respuunt sacchari quantitatem; minùs enim amara quàm si paululum cocta aut insusa solummodò fuerit. Rationem postulas? Longior coctio extrahit partem mediam quæ oleosa multum, proinde amara minùs. Caffè semen oportune torrefactum & optimè pulveratum, triplici constat substantiâ, quæ ignis opus est, quemadmodum quæ triplex in vino detegitur, fermentationis est fœtus; una scilicet quam summam meritò vocat Becherus, seu volatiliorem; altera infimam, seu crassiorem & tartaream; tertiam tandem mediam appellat, sive partem extractivam quâ nempè omnia constant extracta, ut extractum Rhabarbari aut Juniperi, in quibus, dissipatæ partium volatiliorum parte præcipuâ, sola serè remanet pars media, rejectâ scilicet infimâ seu crassiori. Itâ, tosto semine arabico, crudoque & inerti discusso phlegmate, cum acidâ volatilis & olei subtilis quantitate non mediocri, ut testatur longè latèque diffusos odor suos, (a) igne evehitur substantia superflua, partimque acido aut alkalino-volatilis fit, aut oleosa, aut oleoso terrestris. Fervens insusus in occluso vase facta, partem elicit imprimis volatilem seu summam, cui præcipuus amaror inest; oleosam verò pro maximâ parte extrahit coctio longior; crassiori relicta & terrestriori. Hâc rejectâ, mediâ utere, & superadde novum pulverem eadè quantitate ac priùs, suppeditabit coctio tincturam longè saturatiorem, ventriculo amicam, ob partes volatiles oleosis copiosioribus intricatas & intermixtas, (b) adeoque viscera minùs deurentes, imò sæpiùs vi laxativâ præditas, oleoso sic arte & industriâ factò potu, sicque parte mediâ copiosè saturato, quâ suam imprimis exerunt vim Catharticam plurima purgantia. De virtute Caffè laxativâ, idem innuit Matthæus Thuillier. *Porrò alvum sicum humidat, linit, atque leniter citat*; factò præcipuè, ejus cum lacte connubio illiusve cremore. *Potionem*, inquit, *ex utroque attemptatam, omni ætati ac sexui, valenti atque infirmo, securius propinabis*. Manè imprimis & jejuno stomacho, non autem indigestis acidisve scatente alimentis à præviâ lautiore cænâ, aut ab aliâ quâcumque causâ; tùm enim ventriculus non nisi potui amaro, cum simplici aquâ parato, inhiat. Id cum lacte conjugii genus respuunt post prandium potus noster, ni fortè illud faciliè ferat ventriculus vino inasuetus, aut etiam expostulet illius exquisitior sensus, vel potus nostri stimulus acrior in delicatulis, cæterisque nativâ temperie, aut victu, in sanguinis phlogosim proclivioribus; neque enim omnibus, idem semper eodem modo paratus, eadèmvæ assumptus quantitate, competit. nescat igitur seipsum quisque cautus & prudens qui longævus exoptat dies. Amarior illi; huic lacte aut saccharo vel melle selecto temperatus; à cænâ nonnullis absque temeritatis metu propinetur; post prandium serè omnibus merè aqueum concesseris.

(a) Sub ignis torturâ particule ejus mirè alterantur, combinantur, ipsique structura intime secusdum ab igniculis, parteq; ita comminuantur, ut promptè hanc pulvis fervidam tingat aquam, ipsiq; vires incidenti, attenuandi, deobituendi, acida imbibendi, corrigendi, superaddere queat. Cemeratus de usu & abusu potuum.

(b) Ex Analysi D. Geoffroy, unciz XXIV. pulveris residui post decoctionem suppeditant distillatione, olei unciz VII. aut circiter. Undè concludit semen Caffè summopissimum debere energiam oleo, eum portionem non incedenti sulis volatilis uniusq; conjuncto. De materiâ Medicâ tom. 2.

ANXIUS si forsan adhuc hæreas, utrum stomacho sit tam aptè congruum Caffè semen, utrum digestioni adeò feliciter condeat, utrum denique robur addat corpori & vires, utrum insuper non paucos sanare queat morbos chronicos; vulgi quidem ne fidas opinioni non infrequenter præjudicatæ; imò ne uni aut alteri recentiori Medico assentiaris, obsequiosior. Merum extollit supra cælos vini potator; innumeras & secum ferre vires clamat quisquis Caffè plus æquo avidus. Ast perpende quot millia hominum non in Galliâ, non in Germaniâ, non in Europâ solum aut Americâ, sed in ipso toto terrarum orbe, cum emolumento utantur Caffè potu; non ab annis decem aut trigenta, non ab annis centum; sed ab ipso vivente inter Arabas doctissimo Rhase, sed ab ipso Avicenna. Huic, fabæ Arabicæ notissima virtus; illi nec incognita. Caffè semen, *Bunchum* vocat uterque, quod stomacho congruum existens (ait Rhasis) (a) mali etiam sudoris odorem incidit & auferit. Est bonum stomacho (inquit Avicenna) (b) membræque confortat. Mundificat eum & exsiccat humiditates quæ sunt sub eâ, & facit odorem corporis bonum. In frequentissimo est usu apud Egyptios Caffè decoctum *Chaoua* appellatum, narrante Alpino, (c) si quidem ipso ventriculum calefieri & roborari, apud eos compertum est; non minusque etiam viscerum obstructions tolli quotidie experiuntur; utuntur ejus decocto ad juvandam concoctionem; utuntur in tumoribus hepatis lienisque frigidis, & antiquis obstructionibus, feliciori jam successu. Docuerat idem Avicenna. Hæc tibi inexperto non faciunt satis, Rawolfium audi, (d) abusum Cossi, & nos non minus, cum Simon Pauli, improbamus quàm vini abusum. Usus verò retinemus, cum compertum habeamus, multos à potu Cossi modicè & debite, manè nempe, jejuno stomacho, cum pauxillo sacchari sumpto, bene habere, & feliciter experiri potum illum stomacho prodesse, Catarrhos sistere, totumque roborare corpus; concludimus itaque, inquit, cum Vellingii (e) præstantissimi effato, Europæis hoc medicamentum non esse inutile aut noxium; quantitate nempe cuique servatâ pro viribus, pro ætate, pro temperamento, & in sexu, pro variis circumstantiis. Quod igitur tam certò concoctionem juvat, quod ita omne roborat corpus, id morbos solvere posse chronicos complures, necessariò concludas. Nec ætatem infantilem credas excipi ab amari seminis decocto. Pulticulæ infantum unum adde illius, aut alterum Cochlear, aut hauriendum præbe post exhaustam pulticulam, aut à nutricibus nonnunquam hauriri jubeas. Hæc cautione, pravæ infantum digestionis, undè malorum omnium ilias, præcavebitur; obstructionibus occuretur mezentærii, nec non hepatis infarctui, quo secretio prædeditur bilis, quâ prædeditâ, chylus cæ non aluitur, non dividitur, non attenuatur; undè chyli transcolatio pauca, crudaque, & illius in intestinis copia major superstes, malè subacta, brevi corrumpenda, & peritioris alvi strictionis fons aliquandò & prima causa, quæ non semel diris decedit ansam convulsionibus. Occurres Rachitidi imminenti, præsentem fanabis. Occurres denique vermibus infantum, quos enecat suo amarore, & impedit quominus enascantur in eorum chylo quàm sæpissimè nimium acido, ob vini aculentis copiam, aut fructuum sæpius immaturorum, aliorumve hujus farinæ alimentorum quæ pestis infantum & innumerorum morborum causa esse consuevere. Dentitioni favet, coctileare uno bis & ter in die quotidie propinato post pastum & ante pastum; nec metuas noctes infomnes; nequit officere somno sorbitio tam modica, aut brevè restituit usus paulò diutius protractus, quemadmodum & evenit huic potui jam assuetis ætate provectionibus. Quot incommoda Tabaco utenti evenere primis temporibus? Quæ omnia sensim evanescere usu non interrupto. Quid plura? verum antiscorbuticum audit & prophylacticum exitium quoticumque vergit in scorbutum, sanguinis dyscrasia. Tibi languet sanguis depauperatus, illum potione Caffè exhilaras; atque ubi crassus haeret ac luridulus, incidis, repurgas, ait peitissimus collega (f) noster. De tremore ar-

(a) Rhasis lib. 3. ad Regem Almanforum p. 14.

(b) Avicenna lib. 2. Tractatu 2. p. 109. Venetiis apud Juntas.

(c) Alpini de plantis Egyptiis p. 63. 64.

(d) Leonhard. Rawolf. idem p. 301.

(e) Joannis Vellingii observ. in lib. Alpini de plant. Egyptiis pag. 21. 22.

(f) Matth. Thüillier.

tuum quibusdam superveniente, de apoplexiâ, hæmorrhoidibus, cordis palpitatio-
ne, de tendinum subsultibus dolorificis cum caloris quodam sensu, salubris hujusce
nostri potûs usum ne infimules, abusum potiùs dicas. Ideòne vinum è mensis exu-
labit, (cui eadem probra potiori jure objicias) quia his & pluribus gravioribus-
que incommodis afficiuntur quicumque extrâ modum illud potant? At meliùs adhuc
cum Caffè potatoribus agetur, quàm cum ebriosis: illis solâ aquâ liberaliter haustâ, omnia
hæc mala citò citiùs evanescent per urinas sine ullo vel minimo diabetis periculo: mero
siderati non ex æquo sublevantur, Vis scire plura! Arcanum meum libens te docebo:
abstemius esto! Potui Caffè, vini potus calcar addit: duplicemque sibi comparat lon-
gum vigilandi causam qui nimium ex utroque se ingurgitat. At malignè & invidio-
se, de noxâ vini liquorumque ardentium (quibus se exleges cum Caffè simul obruunt
vinolenti homines) arguunt innocuum divinumque Caffè potum obtrèstatores male-
voli; aquâ vitæ ergò parcè & rarè aut nunquam, vino, ficerâ, cerevisiâ, poma-
ceo aliisque id genus moderatè utantur. Tutè tunc & sine ullo periculo, quisquis
cælesti Caffè potui non solum sanus indulgebit sed & à plurimis, longo illius nec
immodico usu sese liberare poterit affectibus chronicis,

Ergo pluribus Morbis chronicis Caffè Potus.

DOMINI DOCTORES DISPUTATURI.

M. Pascasius Borie.

*M. Franciscus-Nicolaus Gau-
sier.*

*M. Joannes-Baptista Ludovi-
cus Chomel, Medicus Regis
ordinarius.*

*M. Florentius-Carolus Bellot, M. Franciscus Bidault,
Scholarum Professor.*

*M. Hyacinthus - Theodorus
Baron, Facultatis Decanus.*

M. Ludovicus Pauthot.

*M. Joannes-Claudius Mu-
nier, Consiliarius Medicus
Regis ordinarius & Domus
Regis Invalidorum.*

*M. Ludovicus-Maria Pouffe,
Censor Regius.*

Proponebat Parisiis JOANNES-BAPTISTA THURANT, Parisinus;
Saluberrimæ Facultatis Medicinæ Parisiensis Baccalaureus, A. R. S. H. 1751,

A SEXTA AD MERIDIEM.